



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita Ioannis Berchmanni Flandro-Belgæ Religiosi  
Societatis Iesv**

**Cepari, Virgilio**

**Antverpiæ, 1630**

Ratio conseruandæ vocationis ab eo instituta.

[urn:nbn:de:hbz:466:1-46083](#)

do præterat, Ioannem, quoties secum de hoc suo decreto tractaret, solitum promittere, conaturum se euadere in eximiè sanctum; quod diceret nempe, fieri non posse, quin tantis, quanta sunt in Societate, præsidijs ad summam absolutamque sanctitatem pertingatur; se verò, quoties ab eius colloquio discederet, abiisse persuasum, aliquando Ioannem, sic ut dicebat, sanctum reuerà fore, quod tanta, cum id pollicebatur, fidentia constantiaq; esset promittentis. Et quoniam verebatur vocationis beneficium amittere, si vel tantillum feruor ille relanguisset, quem tum illi Deus iniecerat, illum suum conscientiæ moderatorem, solito sèpiùs frequenterbat, omnem noxiā consuetudinem subterfugiebat, numquam statas preces, solitave pietatis officia intermittebat; atq; ut beatissimæ Virgini vocationis hoc beneficium referbat acceptum, eamdem, id sibi ut perpetuaret, impetraretque eius persequendi gratiam, obnixè precabatur.

*Parentibus  
propositum  
suum indi-  
cas.* Cùm ad decimum ferè & septimum ætatis annum attigisset, seu ut quamprimum Deo sese consecraret, seu ne parentes frustrà quidquam de se statuerent, decreuit suam illis voluntatem indicare litteris, simulque significare, factò abs se voto id propositum esse sanctum. Hac autem formulâ eas litteras signa-